

Syor pemusatan kuasa terajui inisiatif rumah mampu milik

Bank Negara Malaysia (BNM) menyarankan kewujudkan satu pihak berkuasa pusat bagi menerajui, menyelia dan menyelaraskan inisiatif perumahan mampu milik untuk negara, khususnya dalam merangsang kesatuan operasi dan strategi yang lebih luas pada peringkat nasional.

Menurut Timbalan Gabenor BNM, Shaik Abdul Rasheed Abdul Ghaffour, kewujudan satu dasar awam yang kukuh, inovatif dan terselaraskan adalah penting untuk menangani cabaran perumahan mampu milik.

“Antara lain, pihak berkuasa ini dengan kajian serta kemas kini, mampu membantu mengawal keadaan yang akan melon-

jakan kos pembekalan rumah mampu milik,” katanya pada Dialog Pembangunan Mampan Rumah Mampu Milik di Sasana Kijang, BNM, kelmarin.

Banyak yang boleh dibuat untuk meningkatkan kesedaran termasuk kadar ambilan bagi program bantuan kewangan yang diperkenalkan oleh kerajaan seperti Skim Rumah Pertamaku, Skim Jaminan Kredit Perumahan, Skim Deposit Rumah Pertama dan Skim Pembiayaan Fleksibel untuk pembeli rumah PRIMA.

Kongsi pandangan, pengetahuan

Dialog terbabit dikendalikan



Shaik Abdul Rasheed
Abdul Ghaffour

oleh Pengerusi Cagamas Holdings Bhd, Nik Mohd Hasyudeen Yusoff dan menampilkan wakil Bank Dunia, Abhas K. JHA, Pengurus Amalan, Perbandaran dan Pengurusan Risiko Bencana Asia Timur dan Pasifik, Datuk Abdul Rahim Ishak serta Ketua Pengarah Jabatan Perumahan Negara Datuk Abdul Rahim Ishak.

Peserta lain termasuk Pengarah Eksekutif Khazanah Nasional Bhd/Pengarah Urusan Institut Penyelidikan Khazanah, Datuk Charon Mokhzani dan Ketua Setiausaha Agung Kehormat Persatuan Pembeli-pembeli Rumah Kebangsaan Malaysia, Chang Kim Loong. **BERNAMA**